



Kabarett „Sachsenmeyer & Co.“
09224 Chemnitz
Feenweg 11

Hauptspielstätte:
Kabarett-Kiste (im Hedwigshof)
An der Markthalle 8
09111 Chemnitz

Bestell-Telefon: 0371 - 694 77 11
www.sachsenmeyer-kabarett.de
e-Mail: sachsenmeyer@t-online.de

39. Kalenderwoche – 21. September 2008

Eduard Sachsenmeyer, Liebhaber des Gerstensaftes aus der Reichenbrander Familienbrauerei, schreibt heute ganz in eigener Sache.

Mit seinem nimmermüden Wettbewerb „Reichenbrander Bierlyrik“ in der Wochenzeitung „Blitzpunkt“ frönt er intensiv dem olympischen Gedanken, dass dabei sein alles ist.

Stellen Sie Ihr Glas „Radeberger“ also erstmal schnell zur Seite und gönnen Sie wenige Minuten Ihrer Freizeit einer weiteren „Bück-Dich-Ware“ (so wurden in der DDR Produkte genannt, die auf Grund ihrer Beliebtheit so knapp waren, dass Sie nur für gute Stammkunden oder Bekannte unter dem Ladentisch hervorgeholt wurden) aus Reichenbrand.

Sie sitzen sozusagen in der ersten Reihe, wenn Eduard Sachsenmeyer heute seine ganz persönlichen Gedanken zur (Bier-)Lyrik zu Papier bringt...

Schbrischeklobbor

Wissn Sie eischendlich, dass mir in Gemnidz ooch een Weldregord off guldurellem Gebiehd hamm? Nee, isch meene jedzde nisch, dass mir de meisdn Fenns von dor Volksmusigg hamm, nee, isch meene jedzde, dass mir de meisdn gereimdn Schbrische hamm, die off eene eenzsche Sache gemachd sinn. Nähmlisch off das Bier aus Reischnbrand. In elf Jahre ibor finfdausend Schbrische! Un alle gereimd! Es dud villeischd in dor deudschn Lidoraduhr e baar dausend Schbrische off de Liebe gähm odor off de scheene deudsche Heimad, abor soviel gereimde Schbrische off ee Broduggd, was irschendwie wo hährgeschdelld un vorkoofd wern dud, das gibbds nisch nochma! Wenns hoch komm dud, da gibbds ma fiehr e Broduggd een gereimdn Schbruch - zum Beischbiel "Ei,ei,ei Verbordn, Verbordn allor Ordn". Abor die sinn schon sähr seldn. Zum Reischnbrandor Bier also ibor finfdausend. In elf Jahre.

Angefang had ja die Schbrischeklobberei mid eim ganz harmlosn Wärbeschbruch, dähr im Radjo komm sollde. Dähr war von mir und dähr ging so: Gnirschd de Wurschd beim Kaun wie Sand, dann trink e Bier aus Reischnbrand! So ging das los. Wo mir dann iborn "blitzbunkd" de Leide offgefördord hamm, doch ooch ma een Schbruch off Reischnbrandor Bier zu machn, da dachde isch, dass da villeischd ma finfe seggse odor heeschdens zähne komm dun, abor das had dann nisch offgehaldn. Seid elf Jahre komm jede Woche e Duzend Schbrische neu dazu. Das is wie im Märschn vom sießn Brei - dähr leefd un leefd...

Mor kennde sachn, aus eenor Wärbeidee is eene guldurelle Massnbeweschung gewordn! Es gibbd Schbrischeklobbor, die hamm alleene fasd hunnord Schbrische geklobbd. Dähn Regord häld dor Andreas Haase mid ibor dreihunnord. Zum Beischbiel is von dähm: Badsjendn derfn selbsd vorfieschn, wie se schmerzfrei schdärben wolln.

Isch hab geschriehm, mir däds genieschn, wenn se Reischnbrandor holn. Na guhd, nisch immor sinn de Reime absoluhd mahkllos, manschma sinnse e bißl großziesisch un ehm sächsisch, abor ofd dun se werglisch an ganz große Lürigg erinnorn. Meinen Mann hab ich im Griff - nun kriegt er noch den letzten Schliff: Zwei Fingerschnippser hinternander, schon bringt er mir ein Reichenbrander. Das had de Frau Riemor gedischded. Un nu is offm Schrischeklobborfesd, was de Brauerei Reischnbrand geschbonsord hadde, widdor das ganze Schbrischeklobborvolk zusammgekomm. Un se hamm angedrohd, dass se weidor klobbn wolln. Isch fürschede, mir wern am Ende noch de Schallgrenze von zähndausend schaffn.

Eduard Sachsenmeyer